

- (1) Odluku o KDBiH donosi Agencija za statistiku Bosne i Hercegovine (u daljnjem tekstu: Agencija).
- (2) Sastavni dio Odluke iz stava (1) ovog člana čine:
 - a) Klasifikacija djelatnosti Bosne i Hercegovine,
 - b) Klasifikacija djelatnosti Bosne i Hercegovine s objašnjenjima.
- (3) Agencija donosi Odluku iz stava (1) ovog člana u saradnji s Federalnim zavodom za statistiku i Zavodom za statistiku Republike Srpske (u daljnjem tekstu: entitetski zavodi).
- (4) Usklađivanje KDBiH s međunarodnim standardima iz člana 5. stav (2) ovog Zakona obavlja Agencija u saradnji s entitetskim zavodima donošenjem Odluke o reviziji KDBiH ili Odluke o novoj KDBiH, zavisno od obima promjena.

Član 7.

(Usaglašavanje KDBiH)

- (1) Entiteti i Brčko Distrikt Bosne i Hercegovine (u daljnjem tekstu: Brčko Distrikt) mogu predlagati razradu klasifikacije djelatnosti na nivou podrazreda.
- (2) Razrada klasifikacije djelatnosti iz stava (1) ovog člana može se vršiti jedanput godišnje.
- (3) Prijedlozi razrade moraju se dostaviti Agenciji do 1. septembra tekuće godine.
- (4) Agencija, entitetski zavodi i Brčko Distrikt dužni su usaglasiti prijedloge razrade na nivou podrazreda.
- (5) Usaglašeni prijedlog razrade iz stava (1) ovog člana Agencija donosi do 1. decembra tekuće godine.

DIO TREĆI - PRIMJENA KDBiH I STATISTIČKI REGISTRI

POGLAVLJE I. PRIMJENA KDBiH

Član 8.

(Upotreba KDBiH)

KDBiH se upotrebljava za određivanje djelatnosti, odnosno za sva razvrstavanja po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirki podataka (evidencije, registri, baze podataka i sl.).

Član 9.

(Hijerarhijske kategorije KDBiH)

KDBiH ima sljedeće hijerarhijske kategorije grupiranja privrednih i drugih djelatnosti:

- a) područje (označeno jednoslovnom abecednom šifrom),
- b) potpodručje (označeno dvoslovnom abecednom šifrom),
- c) oblast (označena dvocifrenom šifrom),
- d) grana (označena trocifrenom šifrom),
- e) razred (označen četverocifrenom šifrom),
- f) podrazred (označen peterocifrenom šifrom).

Član 10.

(Razvrstavanje pravnih i fizičkih lica)

Prema KDBiH razvrstavaju se po djelatnostima:

- a) pravna i fizička lica koja obavljaju djelatnost u skladu sa zakonskim propisima,
- b) organi vlasti i uprave na nivou države,
- c) organi vlasti i uprave na nivou entiteta i Brčko Distrikta,
- d) organi vlasti i uprave na nivou kantona u Federaciji Bosne i Hercegovine,
- e) organi vlasti i uprave jedinica lokalne samouprave u Bosni i Hercegovini.

Član 11.

(Nadležni organi za razvrstavanje subjekata po djelatnostima)

Razvrstavanje po djelatnostima subjekata iz člana 10. ovog Zakona, u skladu s KDBiH, obavljaju nadležni organi Bosne i Hercegovine, entiteta i Brčko Distrikta, u skladu sa zakonima i drugim propisima Bosne i Hercegovine, entiteta i Brčko Distrikta.

Član 12.

(Nivoi razvrstavanja i razvrstavanje prema pretežno djelatnosti)

- (1) Subjekti iz člana 10. ovog Zakona i njihovi dijelovi razvrstavaju se u područja, potpodručja, oblasti, grane, razrede i podrazrede KDBiH, prema djelatnostima koje obavljaju.
- (2) Ako poslovni subjekti iz stava (1) ovog člana obavljaju više djelatnosti, razvrstavaju se prema djelatnosti koju pretežno obavljaju.
- (3) U svim slučajevima međunarodne razmjene podataka subjekti iz člana 10. ovog Zakona razvrstavaju se do nivoa razreda, zavisno od zahtijevanog nivoa agregacije.
- (4) Za svrhe produkcije i objavljivanja statističkih rezultata namijenjenih domaćim korisnicima, subjekti iz člana 10.

ovog Zakona razvrstavaju se do nivoa podrazreda, zavisno od zahtijevanog nivoa agregacije.

POGLAVLJE II. STATISTIČKI REGISTRI

Član 13.

(Nadležni organi za vođenje statističkih registara)

- (1) Nadležni statistički organi na nivou Bosne i Hercegovine, entiteta i Brčko Distrikta vode statističke registre subjekata iz člana 10. ovog Zakona u skladu sa KD BiH.
- (2) Sadržaj, oblik i način vođenja registra iz stava (1) ovog člana se određuje u skladu sa međunarodnim standardima i standardima Evropske unije.

DIO ČETVRTI - PRIJELAZNE I ZAVRŠNE ODREDBE

Član 14.

(Uskladjivanje zakona)

Entitetski zakoni i zakon Brčko Distrikta, kojima se uređuje klasifikacija djelatnosti, uskladit će se s ovim Zakonom u roku od 90 dana nakon njegovog stupanja na snagu.

Član 15.

(Donošenje podzakonskih propisa)

Entiteti i Brčko Distrikt donijet će podzakonske akte o razvrstavanju subjekata iz člana 10. ovog Zakona, u skladu sa ovim Zakonom i Metodologijom za statističku primjenu KDBiH, u roku od 120 dana od dana početka primjene ovog Zakona.

Član 16.

(Prijelazni period za primjenu važećih propisa)

U prijelaznom periodu, do usaglašavanja zakona iz člana 14. ovog Zakona, za statističke i analitičke potrebe primjenjivat će se do sada važeći propisi koji uređuju klasifikaciju djelatnosti.

Član 17.

(Stupanje na snagu)

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH, broj 355/06

7. jula 2006. godine

Sarajevo

Predsjedavajući
Predstavničkog doma
Parlamentarne skupštine BiH
Martin Raguž, s. r.

Predsjedavajući
Doma naroda
Parlamentarne skupštine BiH
Goran Milojević, s. r.

Na temelju članka IV. 4.a) Ustava Bosne i Hercegovine, Parlamentarna skupština Bosne i Hercegovine na 81. sjednici Zastupničkoga doma, održanoj 20. lipnja 2006, i na 60. sjednici Doma naroda, održanoj 7. srpnja 2006, usvojila je

ZAKON**O KLASIFIKACIJI DJELATNOSTI U BOSNI I HERCEGOVINI**

DIO PRVI - TEMELJNE ODREDBE

Članak 1.

(Predmet Zakona)

Ovim se Zakonom utvrđuje pojam klasifikacije djelatnosti u Bosni i Hercegovini (u daljnjem tekstu: KDBiH), značaj i cilj Zakona, primjena zakona i donošenje Odluke o klasifikaciji djelatnosti u Bosni i Hercegovini (u daljnjem tekstu: Odluka).

Članak 2.

(Definicija KDBiH)

KDBiH je obvezan standard koji se rabi pri evidentiranju, prikupljanju, obradbi, analiziranju, publiciranju i iskazivanju podataka po djelatnostima značajnim za praćenje stanja i kretanja na ekonomskom, demografskom i socijalnom području u Bosni i Hercegovini.